
Akcija pomoci „Neka raste i naša Melisa“

Post Dach0 - 28.04.08 13:04

Melisa Delia je dijete rođeno u goraždanskom paklu, ratne 1993. godine, a njeno djetinjstvo opterećeno je i teškom bolešću s kojom se boriti sve do punoljetstva. Sitne, čaške radosti ostajale su u sjeni čestih posjeta ljekaru, a na putu ka sretnijem životu sada se ispriječila teška materijalna situacija.

Melisa je oboljela od Turnerovog sindroma, hormonskog poremećaja koji je njen rast zaustavio na 130 centimetara. Nakon operativnih zahvata u Sarajevu sada joj je potrebna hormonska terapija, za koju njena šestočlana porodica nema sredstava.

- U Sarajevu su joj izvršili korekciju aorte, operaciju srca i sada joj je propisana hormonska terapija. Radi se o ampulama „Nordilet“ od 10 miligrama, koje mora primati do svoje 18. godine, a koje mjesečno koštaju 1.815 KM. Jedna ampula košta 605 KM, a terapiju ne smije prekidati - kaže Melisin otac Sabahudin Delia.

Porodica Delia živi od dječijeg doplatka i Sabahudinovih 150 KM za demobilisane borce bez posla, pa su djeca iz Melisinog razreda, u saradnji sa školom i vijećem roditelja, pokrenula akciju pod nazivom „Neka raste i naša Melisa“ i započela prikupljanje novca. Za trogodišnju terapiju potrebno je više od 50.000 KM.

Među prvima su se odazvali uposlenici „BH Telecoma“, 2.000 KM odobrilo je preduzeće „Bekto Precisa“, organiziran je i humanitarni koncert, ali do cilja je još dug put. Zbog toga je upućen poziv svima koji mogu pomoći da svoje novčane priloge uplate na račun otvoren kod Raiffeisen banke u Goraždu 161030000000093 09-30-03988-8 na ime Melisa Delia.

Tekst iz Avaza

=====

Odgovor:Akcija pomoci „Neka raste i naša Melisa“

Post delia - 28.04.08 22:08

Evo nam sanse da budemo humanitarni.Koliko ko moze,samo nek'je od srca i sa halalom!

=====